

Somali | Soomaali

Talaado 11-ka Maarso 2025

War soo kordhay oo muhiim ah oo ku saabsan tillaabooyinka xiga ee 33 Alfred St, North Melbourne

Waxaan rabnaa inaan kula socodsiino wixii kusoo kordha marxalad kasta oo dib u dhiska ah. Warqadaan waxaa qeyb ka ah macluumaad ku saabsan:

- Qorshahayaga ah inaan North Melbourne ka dhisno guryo ka tiro badan kana wanaagsan kuwii hore
- Halka laga heli karo shaqaalaheena
- Halka aad ka heli karto xog badan oo ku saabsan dib u dhiska

Observing Ramadan

- Waxaan fahamsan nahay oo aan ixtiraamnaa in qaar badan oo bulshadeenna ah ay hadda sooman yihiin.
- Waxaan qaban doonaa kulamo xog-wadaag ah oo ku saabsan tillaabooyinkan soo socda bisha Abriil (Ramadaanka ka dib).
- Waraaqo ayaa lagu dhejin doonaa meelaha laga soo galo dhismaha kuwaas oo ay ku qoran yihiin taariikhaha iyo waqtiyada la qaban doono kalfadhiyadan.
- Haddii aad jeclaan lahayd inaad nala hadasho waqtigaas ka hor, shaqaalahayagu waxay Khamiista 13-ka Maarso 9:00-ka subaxnimo ilaa 5:00-ta galabnimo ku sugnaan doonaan xafiiska guriyeynta ee North Melbourne.

**Iskaan garee
si aad u hesho
macluumaad
la fasiray oo
luuqadaada
ku qoran**



Way mahadsan yihiin dhamaan inta fikradahooda nala wadaagay bishii Diseembar

Waa uu mahadsan yahay qof kasta oo nala wadaagay ra'yigooda iyo fikradooda ku aadan mustaqbalka 33 Alfred Street, taas oo qeyb ka ahayd xiriirada bulshada lala sameeyay bishii Diseembar.

Ra'yigaagu wuxuu wax ku biirin doonaa naqshadaha dhismayaasha cusub iyo goobaha bulshada.

- 165 kireyste ayaa nala wadaagay fikradahooda ku aadan waxa muhiimka u ah marka laga hadlayo guryaha mustaqbalka, dhismeyaalka, goobaha bulshada iyo xaafadaha.

- Waxaan maqalnay ra'yigiina ku aadan baahida loo qabo in la dhiso dhismayaal cusub iyo meelo banaan oo dibeda ah oo ammaan ah, oo si wanaagsan loo nashqadeeyay isla mar ahaantaasna diirada saaraya bulshada.
- Waxaan sidoo kale maqalnay baahida loo qabo in la bixiyo guryo loogu talagalay qoysaska nooc kasta leh.

Waxaan hadda rabnaa cidii doonaysa inay nagala qeyb qaadata mashruuca inay soo gudbiyaan qorshaha dib-u-dhiska

Waxaan hadda rabnaa cidii doonaysa inay nagala qeyb qaadata mashruuca inay soo gudbiyaan ra'yigooda lagu dhisayo laguna maamulayo ugu yaraan 800 oo guri oo cusub, oo ay ku jiraan 300 guri oo guryo bulsho ah, ee laga dhisayo 33 Alfred Street, North Melbourne. Dhulka oo dhan waxa uu ahaan doonaa mid bulshadu wada leedahay.



Guryo cusub oo korontada dhaqaaleynaya oo laga dhisay Abbotsford St North Melbourne ayaa la furay 2025.

Dadka ama hey'adaha nagala qeybgalaya waxay noqon doonaan kuwo khibrad u leh dhisidda iyo maaraynta guryaha bulsheed, guryaha la awoodi karo iyo guryaha suuqa ee kirada ah.

Nidaam qiimayn oo aad looga baaraandegay ayaa lagu qiimeyn doona fikrad kasta oo la soo gudbiyay mudnaantana lagu siin doonaa.

Marka aanu mashruucan la kaashano dad kale, waxaan awoodnaa inaan dadka reer Victoria siino guryo casri ah, oo si wanaagsan loo qaabeeyey isla mar ahaantaasna korontada dhaqaaleynaya, kana ag dhow dugsiyo, adeegyo iyo gaadiid - si la mid ah guryaha cusub ee dhowaan la dhamaystiray ee Abbotsford Street ku yaal (sawirka).

Fursado badan oo aad ra'yigaaga ku dhiiban karto

Marka aan la howlgalayno mashruuca cida nagala shaqeynaysa si aan u diyaarino naqshadeynta guryaha cusub, dhismayaal iyo goobaha bulshada, waxaad heli doontaa fursado badan oo aad ku arki karto naqshadaha aadna nagula wadaagi karto ra'yigaaga.

Halka laga heli kooxdayada

Haddii aad wax su'aalo ah qabtid ama aad jeceshahay inaad la hadasho kooxdayada, waxaan ku sugnaan doonaa xafiiska guryaha ee North Melbourne 13-ka Maarso 9:00-ka subaxnimo ilaa 5:00-ta galabnimo

La soco wixii ku soo kordha

Booqo: <https://bighousingbuild.homes.vic.gov.au/precincts/north-melbourne-precinct> wixii macluumaad ah iyo wixii soo cusboonaada oo ay ku jiraan macluumaad luuqadaada ku qoran.